



24. agosti 2018

UKA 2018/51

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiupparput:

Ilinniartut inuutissarsiutigilerumaagassaminnut ilinniakkamut naammassigunik tigusinnaangortagassaannik ilinniartunuinnarlu atuuttussamik nammineq initaarnissamut ileqqaartalernissamut periarfissamik eqqusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Ileqqaakkat taamaallaat piginneqatigiilluni illussamut imaluunniit nammineq pigisassamik illussamut aallaqqaasiutitut atorneqartassapput.

(Inatsisartunut ilaasortaq Malene Vahl Rasmussen, Demokraatit)

Begrundelse

Inuusuttunut nuantsinni ilinniartunut naligninnaavoq naammassereeraangamik piginneqatigiilluni illussamut imaluunniit nammineq pigalugu illussamut akissaqalernissaminnut utaqqerujussuaqqaartariaqartarnerat. Tassa imaappoq, attartortariaqartarput taamaasillunillu inimik attartortittakkamut inangiisimasariaqartarlutik. Tamanna annermik illoqarfinni annerni inissaaleqiffiusuni ajornartorsiutaa voq.

Nunani allani ilinniartortagut eqqarsaatigalugit inissarsiniartarnerat imaannaangissinnaasarpoq. Tamannalu angerlaqqinnissaminnut piumassuseqarnerannut piumanerannullu sunniuteqanngitsoorneq ajorpoq.

Tamanna tungavigalugu isumaqarpunga periutsimik eqqussisariaqartugut, naammasserlaat initaarnissaannut ikiorserumallugit.

Taamaattumik siunnersuutigaarra ilinniartut tamarmik initaarnissaminnut ileqqaarsinnaangortariaqartut, tassani ilinniartut Ilinniagaqarnersiutisiaqarsinnaasut ilinniarallarneranni Namminersorlutik Oqartussat qaammammut 850 koruuninik akiliisarlutik. (Periarfissaqartillugulu ileqqaakkat qummut amerlassusilerneqarsinnaanissaat). Taamaasilluni aaqqissuussineq atuutilertassaaq qaammat taanna ilinniarnertuungorniarfimmi/assassornermut ilinniarfimmi aallartittoqartillugu aamma aaqqissuussineq atuuttassaaq kalaallit ilinniartut nunani allani ilinniarniarlutik aalajangersimappata.

Ileqqaakkat taamaallaat tunniunneqarsinnaassapput ilinniagaq inuutissarsiutigilerumaagassaaq naammassisimagaanni. Tassa imaappoq, initaarnissamut ileqqaakkat tigusinnaannut naammassanngilaq inuusuttut atuqaqqiffiini ilinniarneq soorlu ilinniarnertuungorniarfimmi.



Tamatuma saniatigut initaarnissamut ileqqaakkat atorneqartassapput piginneqatigiilluni illumik imaluunniit nammineq pigisassamik illumik pisinermut atatillugu aallarniutitut. Tassani siunertaralugu ilinniarlutik naammasserlaat namminerisaminnik illulittut ineqalernissaat taamaasilluni pisortat illuutaasa attartortittakkat innuttaasunit allanit inigineqarniassammata.

Arlaannik pissuteqartumik ilinniaq inuutissarsiutigilerumaagassaq naammassisinnaanngikkaanni taava initaarnissamut ileqqaakkat Landskarsimut utertineqartassapput.

Soorunami aaqquissuussinermut atatillugu aningaasartuuteqangaatsiartornissaa naatsorsuutigisariaqarpoq. § 37 naapertorlugu apeqqutinnut normu 96-2018-mut akissummi takuneqsinnaavoq, siunnersuut ukiumut 34 millioner koruuninik akeqartassasoq, kisitsisit 2017-ternissat aallaavigissagaanni. Taamatut naatsorsuisoqarsimanagera apeqqusissallugu pissutissaqanngilanga. Erseqqissaatigerusupparali peqataanik siunnersuut arlalinnik iluaqutissartaqartussammata ajunnginnerusumut saatitsisumik.

Siullermik qularutigineqassanngilaq ullumimut naleqqiullugu amerlanerungaartut inissatigut imminut isumagisinnaanngortussaassammata, tamatumalu kinguneranik inissat attartortittakkat amerlanerulersussaassapput. Ilaatigut tamanna pissutaalluni ineqartitsigallartarnermut aningaasartuutit appariarnerannik kinguneqassaaq.

Tassunga atatillugu oqaatigineqassaaq § 37 naapertorlugu apeqqummut normu 155-2018-mut Naalakkersuisut oqaatigimmassuk inuit namminneq illui amerlappata ajoriffissaqartinnikkitsik aamma isumaqataallutik naliginnaasumik attartortittakkanut utaqqisut ikilissasut, amerlanerit nammineq illutaarsinnaasuuppata. Una siunnersuut akuerineqassagaluarpat qularnanngilluinaqqissaarpoq amerlanerit nammineq illutaarsinnaanngussagaluartut.

Aappassuut siunnersuut pissutaalluni nunani allani ilinniartut angerlaqqinnissaminnut piimassuseqarnerulissagaluarput. Inuiaqatigiit nalissaqanngitsumik piginnaasatigut qaffassarneqassagaluarpoq aningaasannortinneqarsinnaanngitsumik. Tamatuma saniatigut tikisitat pisariaqartitsineq aamma milliallassagaluarpoq. Minnerunngitsumillu aamma pisortanut akileraarutitigut isertitat amerlissagaluarput, qularutissaanngilluinaqqissaarmammi angerlartut ingerlaannaq suliffissarsisarumaartut.

Siunnersuummut atatillugu aningaasartuutit ikilisarumallugit kiisalu ilinniartut pisariaqanngitsumik ilinniarnerminnik sivitsorsaanissaat/ kingusinaarlutik naammassisarnissaat sapinngisamik sipaakkatit amerlanerpaatikkumallugit naapertuutissaqqooqaaq ileqqaakkat qummut killeqartissinnaanissaat. Nriuppunga ataatsimiititaliap susassaartup isumaliutissiisummini tamanna isummerfigisinnaajumaaraa.

Isumaga naapertorlugu siunnersuut imminut akilertussaagaluartoq taamaakkaluartoq isumaqarpunga pingaaruteqartoq siunnersuutit pineqartup aningaasalersornissaanut



siunnersuuteqarnissara. Isumaqarpunga aningaasat imatut aasinnaassagigut:

2016-mut Landskarsip Naatsorsuutai naapertorlugit pisortaqaarfinni allaffissornermu 700 millioner koruunit aningaasartuutigineqarput. 2017-mut Aningaasanut Inatsimmi 751 millioner koruunit immikkoortinneqarput. 2018-mut Aningaasanut Inatsisissami 725 millioner koruunit immikkoortinneqarsimapput. Ukiuni missergersersuusiorfiusuni (2019-2021) ukiumut immikkoortinneqarsimapput 700 millioner koruunit. Tamanna tunngavigalugu oqartoqarsinnaavoq pisortat allaffeqarfiini ukiumut 700 millioner koruunit aningaasartuutigineqartartut. Uanga Demokraatillu isumarput naapertorlugu amerlavallaarujussuarput. Pisortat allaffissornerini 5 procentiinnannguilluunniit sipaartuungaanni 35 millioner koruunit sipaarneqarsinnaagaluarput, uanga siunnersuutima piviusunnigortinnissaanut atorneqarsinnaasut.

Naggataatigut erseqqissaassutigissavara siunnersuutima aningaasalersornissaanut siunnersuut siunnersuutaannaammatt. Allatut aningaasalersuisoqarsinnaaneranut siunnersuutinut amnavunga aamma neriuppunga arlaannaataluunniit siunnersuutiga itigartissanngikkaa aningaasalersuinissamut siunnersuutiga neqitsiullugu.

Taamatut oqaaseqarlunga qilanaarpunga Naalakkersuisut akissutissaannut aamma partiit allat saqqummiukkumaagassaannut.

Aningaasarsiornikkut allaffissornikkullu pisortanut kingunissai.

Siunnersuut piviusunnigortinniarlugu inatsisissamut siunnersuusiortoqartariaqassaaq. Allaffissornermut nukit atorneqartussatut, nutserinissaq, tusarniaanissaq aamma inatsisip oqaasertaanik misissuinissaq ilanngullugit naatsorsuutigaarput inuup ataatsip ukiup affaani suliarinninnissaanit sivilunerunaviannigut.

Aningaasaqarnermut Naalakkersuisoqarfiup kisitsisaataani takuneqarsinnaavoq 2017-mi 673-t assassorluni inuutissarsiutigilerumaagassaminnut ilinniarlutik naammassisimasut. Illutaarnissamut ileqqaarutissanik qaammammut 850 koruuninik akiliisoqartalissappat kisitsisit taaneqartut naapertorlugit Landskarsi aningaasartuuteqartassaaq ukiumut 34.282.200 koruuninik.¹ Siunnersuulli tunngavigalugu Landskarsi aamma isertitaqartassaaq, tamannalu siunnersuutip tunngavilersorneqarnerani nassuiarneqarpoq.

Aningaasarsiornikkut allaffissornikkullu namminersorlutik inuutissarsiutunut kingunissai.

Soqanngilaq

Aningaasatigut allaffissornikkullu innuttaasunut kingunissai.

De nyuddannede vil alt andet lige få god mulighed for at købe en andels- eller ejerbolig efter endt uddannelse.

¹ https://inatsisartut.gl/documents/para3637/2018/svar/096_2018_boligopsparing_MAVR_svar.pdf